

## Reguleringsføresegner

Lindås kommune, Knarvik terrasse,  
gnr 188 bnr 8 m.fl.

Plannummer: .....

Dato sist revidert: 13.1.15

### § 1 GENERELT

1.1 Det regulerte området er vist på planen med stipla linje som reguleringsgrense på kart i målestokk 1:1000

1.2 Areala i planområdet er regulert til følgjande føremål:

- Byggeområde for bustader
- Byggeområde for bustader - blokker
- Byggeområde for offentlege bygg/anlegg
- Byggeområde for naust
- Kaiområde
- Småbåthamn
- Trafikkområde
- Friområde
- Fellesområde

1.3 Etter at denne reguleringsplanen med tilhøyrande reguleringsføresegner er sett i kraft, kan det ikkje inngåast privatrettslege avtalar i strid med planen og føresegnene.

- Reguleringsplan 01046.301
- Illustrasjonsplan 01046.302

### § 2 PLANKRAV

2.1 I søknad om tiltak vert det krevd utarbeida plan for husgrupper / bustadblokker i målestokk 1:500. Plan for utbygging skal vise hus, tilkomst til hus, interne vegar, turstiar, parkeringsplassar, garasjeanlegg og avkøyrslar.

2.2 Tiltaket skal ha ei god estetisk utforming ut frå tiltaket sin funksjon, og tilpassing til nærområdet. Fargeforslag på hus og taktekking skal godkjennast av kommunen.

2.3 Parkeringsareal og leikeplassar for born skal vera opparbeidd i samsvar med kommunen sine vedtekter før overtaking/bruksløyve vert gjeve.

2.2 Alle køyrevegar skal ha fast dekke.

### §3 BYGGEOMRÅDE

#### 3.1 BYGGEOMRÅDE FOR BUSTADER

Bygg i området B1, B2, B3 og B4 skal oppførast til bustadformål med tilhøyrande anlegg innanfor dei avgrensingane som er sagt i reguleringsføresegnene og vist i reguleringsplanen.

**Byggeområda B1 og B4** kan ha eit terrassert bygg med tre etasjar og loftsetasje som vist i planen.

**Byggeområde B2** kan ha eit terrassert bygg med tre og fire etasjar, felles parkeringsanlegg i underetasje, og loftsetasje som vist i illustrasjonsplan og snitt.

**Byggeområde B3** rekkehus/ terrassert bygg med to etasjar og loftsetasje som vist i planen.

Tomteutnytting på TU=40% (for byggeområda B1, B2, B3 og B4)

Ved kvar søknad om tiltak (søknad om byggeløyve) skal det leggst ved korrekt oversyn over den totale utnyttingsgrad for området, iht. Vedtak i Kommunestyret 7.2.2002.

Det vert tillate med gesimshøgde på 8,0 meter og mønehøgde på 11,0 meter for byggeområda B1, B3 og B4. For B2 med garasjeanlegg i underetasje, vert det tillate med gesimshøgde på 12,0 meter og mønehøgde på 17, 0 meter.

### 3.2 BYGGEOMRÅDE FOR BUSTADER - BLOKKER

Bygg i område BBB skal først opp til bustadføremål med tilhøyrande anlegg med dei avgrensningane som er sagt i reguleringsføresegnene og reguleringsplan.

Tomteutnytting på TU=inntil 225%.

Tillatne byggjehøgder er vist på plankart. Det vert tillate med bygg på 17,0 meter. Det er tillate bustadbygg i fire etasjar i tillegg til parkering under bakkeplan innanfor formålet.

Heishus og takoppbygg for ventilasjon er tillate over maksimumshøgder som er vist på plankart. Takoppbygga kan utgjere maksimalt 15 % av bygget si grunnflate. Takoppbygga skal ha ei arkitektonisk utforming slik at dei utgjere ein heilskapleg del av bygget si takform.

Kvar bueining skal ha minimum 7 m<sup>2</sup> privat uteareal per bueining og minimum 25 m<sup>2</sup> felles uteareal per 100 m<sup>2</sup> BRA bustad, ikkje medrekna parkeringsareal. Inntil 3 m<sup>2</sup> av felles uteareal pr. bueining kan leggest på tak.

### 3.3 BYGGEOMRÅDE FOR OFFENTELEGE BYGG/ANLEGG

Området er i dag og skal i framtida nyttast til offentleg kloakkreinseanlegg.

### 3.4 NAUSTOMRÅDE

I naustområdet kan det oppførast frittstående naust/fellessanlegg med tilhøyrande båtplassar. Nausta skal maksimalt ha ei gesimshøgde på 3,0 meter og mønehøgde på maks 5,0 meter. Desse bygga kan ikkje innreiast til varig opphald.

### 3.5 KAIOMRÅDE

Kaiområdet er ein del av naust og småbåthamna, og kan ikkje byggast utanfor avgrensingsområde som vist i reguleringsplanen.

### 3.6 SMÅBÅTHAMN

Småbåthamn kan etablerast med flytebrygger innanfor reguleringsområde som vist i reguleringsplanen.

## § 4 TRAFIKKOMRÅDET

4.1 I trafikkområdet skal det etablerast:

- Køyreveg med møte-/snu plassar
- Gangveggar
- Parkeringsplassar
- Felles adkomstveg og gangveg skal ha allmenn tilgjenge

Tal på parkeringsplassar er fastsett i planen. Kvar bustad skal tilretteleggast med biloppstillingsplassar og gjesteparkering i samsvar med Lindås kommune sine vedtekter.

For bustadområde BBB gjeld følgande parkeringskrav, per 100 m<sup>2</sup> BRA, der krav til bilparkering er maksimumskrav og sykkelparkering er minimumskrav: Bil: 1,2. Sykkel: 2.

Minst 5 % av parkeringsplassane (avrunda opp til næraste heile plass) skal leggest til rette for rørslehemma.

Ved etablering av nye parkeringsplassar skal 4 % av plassane leggest til rette for nullutslepps-bilar. Kvar av desse plassane skal leggest til rette med ladestasjon.

Felles parkeringsanlegg med tilgrensande tomter skal vurderast.

4.2 Ved anlegg av trafikkområdet, skal terrenngrep utførast så skånsamt som mogleg. Alle fyllingar og jordskjeringar skal såast til og eventuelt tilplantast.

4.3 Utkøyringane skal vere oversiktlege og trafikksikre. I frisiktsoner skal det ved kryss vere fri sikt i ei høgd av 0,5 meter over vegbana. (Jamfør føresegner i Veglova § 31).

4.4 Avkjørselspil på BBB er rettleiande. Avkjørsel kan justerast med inntil 20 meter. Endeleg plassering vil bli avgjort i byggesak.

6.4 Mindre vesentlege endringar frå reguleringsplanen m/ føresegner, kan godkjennast av kommunen.

**Det vert stadfesta at føresegnene er i samsvar med kommunestyret sitt vedtak**

## **§ 5 FRIOMRÅDA**

---

Seksjonsleiar

5.1 Friområda kan nyttast til uteaktivitetar. Eksisterande vegetasjon skal takast vare på i den grad dette er ønskeleg.

5.2 I friområda kan kommunen stadfeste at det vert ført opp bygg som har tilknytning til friområdefunksjonen og ålmenta.

5.3 Eksisterande hytte i friområdet mellom bustadområdet og naustområdet er eit felles bygg (grendahus) for Knarvik Terrasse med evig bruksrett.

5.4 Ubebygde delar av området skal i vesentleg grad vere naturtomt utan tekniske inngrep. Det kan etablerast turstiar der dette er tenleg for ferdsla.

## **§ 6 FELLES FØRESEGNER**

6.1 Utbygginga skal skje etter reguleringsplan i målestokk 1:1000. Tegn nr. 01046.301.

Dagsett: 27.8.2001, sist revidert: 12.1.2007.

6.2 Badeplassar og turstiar skal kunne nyttast fritt av ålmenta. Hovudtilkomst til bustader, forretning og kontorområde er offentleg veg.

6.3 Dersom det vert gjort funn av kulturhistoriske verdiar, skal arbeidet stoppast, og Fylkeskonservatoren varslast.